

► *Tanto The Sporting News como Fox Sport tin*

Eugene Kingsale como centerfielder habrido di Detroit Tigers

TAMPA BAY- Manager Allan Trammell ya caba a reduce su roster pa e fecha inaugural di temporada 2003, na 27 hungador y awe of mañan dos mas los er manda pa liganan menor pa asina tin e roster regular cla pa inicia temporada.

Alentador ta e hecho cu tanto The Sporting News como Fox Sports, tin e Arubiano, Eugene Kingsale como e centerfielder habridor pa Detroit Tigers.

Den wega di diarazon ultimo, Detroit Tigers a perde cu anotacion di 3-2 contra di Houston Astros den wega cu Eugene a hunga como rightfielder y el a bai di 4-2 c'un careda empuha.

Den centerfield a hunga Andres Torres kende a bai di 5-0 den e wega aki. Apesar cu e dos medionan di deporte conoci aki di Merca ta muestra cu Kingsale lo ta e centerfielder regular, por spera cu e por cuminsa den leftfield cu Torres den center y Higginson den rightfield, kende tin un contrato misionario cu e ekipo di Tigres.

Na e momentonan aki Eugene di Aruba tin 14 hit conecta

den weganan di springtraining y solamente Andres Torres tin mas, cu ta 17 en total.

Eugene Kingsale a causa un impresion agradabel den e campo di entrenamiento di Detroit Tigers, pa su forma di proceder, semper dispuesto pa scucha, semper dispuesto pa traha duro riba e trabao cu e tin cu haci pa su ekipo.

Ora cu e mester a hunga el a haci su trabao y diana cu e no ta riba lista pa traha, e ta haci otro cosnan pa yuda su ekipo durante di e partido. Manager Trammell ta satisfecho cu e trabao desplega te cu awor pa Kingsale y ta spera cu enberdad e por yuda eleva e nivel defensivo di su ekipo y tambe aporta na e parti ofensivo dor di subi base frecuentemente.

Apesar di no ta bati tin ora pa un averahe extra ordinario, Kingsale por subi base den diferente forma, sea cu boleto pa motibo di no ta poncha hopi, un infield hit of dor di simplemente forza contrincantenan comete eror pa motibo di su velocidad riba base.

E raportahenan ta sumamente positive, apesar cu varios medio di comunicacion tabata mas sceptico riba e adquisicion aki y su nificacion pa e ekipo di Detroit Tigers.

Fox Sport a publica un alineacion probable di Detroit Tigers pa inicio di temporada y tin como prome bate, Eugene Kingsale den centerfield, Damion Easley como segunda base, Bobby Higginson den rightfield, Dmitri Young den leftfield, Dean Palmer na tercera base, Carlos Peña na primera base, Eric Munson actuando como bateador designado, Brandon Inge como catcher y Ramon Santiago como short stop. Pues bon noticia pa Eugene Kingsale kende a establece su mes como regular den Liga Grandi pa su bon actuacion di temporada pasa cu San Diego Padres y awor c'un bon etapa di preparacion cu Tigers. Su salida for di Baltimore Orioles y Seattle Mariners sin duda algun tabata di gran ventaha pa e pelotero Arubiano aki.

